

31 March. 2026

समे .18:15 Hrs

<><><><><><>

### Headlines

- जम्मू-कश्मीर सरकार इस माली ब'रे च बक्ख-बक्ख विभागें च 25 ज्हार असामियां भरोग।
- मुख्मन्त्री उमर अब्दुल्ला होरें आखेआ जे विधायक आपदा पीड़ितें जिंदे च अगग थमां प्रभावित परोआर बी शामिल ऐ, गी आवास सहायता प्रदान करने लेई सी.डी.एफ थमां 50 लक्ख रपे तोड़ी आवंटित करी सकदे ना।
- जम्मू-कश्मीर च पेट्रोलियम उत्पादें दा पर्याप्त भंडार उपलब्ध ऐ-आखेआ सतीश शर्मा होरें।
- जनगणना 2027 कल पैहली अप्रैल थमां शुरू होग।
- एल.जी मनोज सिन्हा होरें भगवान महावीर हुंदी अहिंसा ते अनंकतावाद दी शिक्षाएं पर गल्ल कीती।

<><><><><><>

### CM-Jobs

मुख्मन्त्री उमर अब्दुल्ला होरें अज्ज आखेआ जे सरकार इस बरे 25 ज्हार नौकरियां देग। विधानसभा च बोलदे होई मुख्मन्त्री होरें आखेआ जे सरकार इस बरे 25 ज्हार नियुक्तियां करने आस्तै पूरी चाल्ली बचने बद्दी दी ऐ। पुलवामा थमां पीडीपी विधायक वाहिद उर रहमान परा हुंदे सोआलै दे परते च मुख्मन्त्री होरें आखेआ जे इस मसले पर विधानसभा सत्र दरान कई बारी चर्चा होई चुकी दी ऐ जेदे च एल..जी भाशण, बजट ते ग्रांट बी शामिल ना। मुख्मन्त्री होरें सभा गी भरोसा दोआया जे सरकार नियुक्तिएं दी प्रक्रिया गी पूरी चाल्ली पारदर्शी तरीके ते तय-समें दे अंदर पूरा करोग।

<><><><><><>

### CM-MLA

मुख्मन्त्री उमर अब्दुल्ला होरें अज्ज विधानसभा गी सूचित कीता ऐ जे निर्वाचन क्षेत्र विकास निधि योजना तैहत निधि दा उपयोग जम्मू-कश्मीर दे सब्बै विधानसभा क्षेत्रें च सरबंधिता विधायकें आसेआ चिन्हित ते अनुशासित कम्में लेई वित्त विभाग आसेआ जारी दिशा-निर्देशें दे मताबक कीता जा'रदा ऐ। मुख्मन्त्री जम्मू-कश्मीर विधानसभा दे चला'रदे बजट सत्र दरान हब्बा कदल दे विधायक शमीम फिरदौस आसेआ आहनदे गै ध्यानजोग प्रस्ताव दा जवाब देआ'रदे हे। संशोधित प्रावधानें मताबक विधायक हुन विततीय बरे 2026-27 लेई आपदाएं थमां प्रभावित परोआरें लेई घरें दे पुननिर्माण ते मरम्मत सने आवास सहायता प्रदान करने लेई अपने

सी.डी.एफ थमां 50 लक्ख रपे तोड़ी आवंटित करी सकदे ना मुक्खमंत्री होरें अगगे आखेआ जे इक परिवार गी दित्ती जाने आहली सहायता 1 लक्ख रपे तोड़ी सीमित ऐ। महत्वपूर्ण गल्ल ऐ जे एहू लाहू छड़ा आदिवासी या बीपीएल परिवारें तोड़ी सीमित ऐ। महत्वपूर्ण गल्ल ऐ जे एहू लाहू छड़ा आदिवासी या बी.पी.एल परिवारें तोड़ी सीमित नेई ऐ बल्कि सब्बै प्रभावित परोआरें लेई उपलब्ध ऐ। संशोधित दिशा-निर्देशें च आपदा शब्द दे दायरे गी स्पष्ट करदे होई आखेआ जे एहूदे च अगग लगगने दी घटनाएं सने महत्वपूर्ण क्षति या नुकसान पुजाने आहली सब्बै घटना शामिल ना।

<><><><><><>

## Minister-Stock

खाद्य, लोक आपूर्ति ते उपभोक्ता मामलें दे मंत्री सतीश शर्मा होरें अज्ज विधानसभा गी जानकारी दित्ती ऐ जे विभाग पूरे जम्मू-कश्मीर एलपीजी ते पेट्रोलियम उत्पादें दी उपलब्धता ते बंड बिक्री पर लगातार नेडमें तक्क रखा'रदा ऐ। मंत्री होर विधायक मोहम्मद युसुफ तारीगामी आसेआ ध्यानजोग नोटिस दा अज्ज सभा च जवाब देआ'रदे हे। उनें आखेआ जे भूगौलिक राजनीतिक तनोतनी नै पेट्रोल, डीजल ते एलपीजी दी खरीद गी सामान्य थमां बदाई दित्ता ऐ। उनें आखेआ जे तेल मार्केटिंग कंपनियें दी रिपोर्ट मताबक इनें चीजें दी मात्रा काफी ऐ ते लोकें गी अफवाहें पर विश्वास नेई करना चाहिदा कीजे अस्थाई रूप च मंग बदने करी आपूर्ति स्थिर रौहगा। मंत्री होरें आखेआ जे विभाग तफसीली सर्वेक्षण करा'रदा ऐ ते निर्देश दी अमलावरी नेई करने पर जमाखोरें ते कालाबजारी करने आलें खिलाफ कार्रवाई बी कीती जा'रदी ऐ ते एफ.आई.आर बी दायर कीतियां जा'रदियां ना।

<><><><><><>

## Tanker-Dependency

जम्मू-कश्मीर सरकार नै अज्ज विधानसभा गी सूचित कीता जे जल जीवन मिशन तैहत योजनाएं दे पूरा होने ते चालू होने कन्नै ग्रामीण क्षेत्रें च टैंकर सेवाएं पर निर्भरता काफी हद तगर घट्ट होई जाहगा। एहू जानकारी कृषि मंत्री जावेद अहमद डार होरें सदन च श्री माता वैष्णो देवी निर्वाचन क्षेत्र थमां बीजेपी विधायक बलदेव राज शर्मा आसेआ श्री माता वैष्णो देवी निर्वाचन क्षेत्र च जल आपूर्ति दी कमी कन्नै सरबंध च पुट्टे गेदे ध्यानजोग प्रस्ताव दा जवाब दिंदे होई दित्ती। ओहू जल शक्ति मंत्री जावेद अहमद राणा हुंदी तरफा जोआब देआ रदे हे। जावेद डार होरें सदन गी सूचित कीता जे सरकार निर्वाचन क्षेत्र ते होरनें क्षेत्रें च जनता गी विजन दिक्कत दे जल आपूर्ति यकीनी करदे होई स्थापित मानदंडें ते विनियमें दा पालन करने लेई प्रतिबद्ध ऐ।

<><><><><><>

## RBI

भारती रिजर्व बैंक नै पूंजी बजार च निवेश सरबंधी अपने नमें नियमें दे कार्यन्वयन गी त्रै म्हीने लेई स्थगित करी दित्ता ऐ। संशोधित समें सीमा हुन पैहली अप्रैल दे बजाय 1 जुलाई 2026 ऐ। केंद्री बैंक नै आखेआ ऐ जे फैसला बैंकें, पूंजी बजार मध्यस्थें ते उद्योग निकायें दी गुजारश दे बाद लैता गेआ ऐ जिन्नै किश परिचालन सरबंधी मुद्दें पर मता समें ते स्पष्टता दी मंग कीती ऐ।



## Census

देश भरै च जनगणना 2027 1 अप्रैल गी 16मीं ते आजादी मगरा एह 8मीं बारी जनगणना होने जा'रदी ऐ। नमीं दिल्ली च कल मीडिया गी संबोधित करदे होई रजिस्ट्रार ते भारती जनगणना आयुक्त मृत्युंजय कुमार नारायण होरें जानकारी दित्ती जे जनगणना 2 चरणें च पूरी होग। उनें आखेआ जे पैहले चरण च हारें दी सूचियां ते अपनी तरफा दित्ती दी जानकारी शामिल ऐ ते दुए चरण च जाति आधारित जानकारी लैती जाहग। नारायण होरें दस्सेआ जे जनगणना 2027 डिजिटल माध्यम कन्नै कराई जाहग। जानकारी मोबाइल ऐप जरिए किट्टी कीती जाहग ते लोकें ताई आपूं जानकारी भरने दा विकल्प बी दित्ता जाहग। इक वेब आधारित पोर्टल दी मदद कन्नै जनगणना दी बक्ख-बक्ख गतिविधिएं दा प्रबंधन ते निगरानी कीती जाहग।



## LG-Mahavir Jayanti

उपराज्यपाल मनोज सिन्हा होरें अज्ज जम्मू च महावीर जयंती दे मौक्के पर एस.एस जैन सभा आसेआ आयोजित महावीर जन्म कल्याणक कार्यक्रम च शामिल होए। उपराज्यपाल होरें इस शुभ मौके पर सबनें गी बधाई ते शुभकामनां दित्तियां। अपने संबोधन च उपराज्यपाल होरें भगवान महावीर हुंदे अहिंसा ते अनेकतावाद दे उपदेशें पर लौऽ पाई ते अज्ज दी दुनिया च सेही आस्था, ज्ञान ते आचरण पर जोर दित्ता जिस गितै करूणा, शांति ते बंधुत्व दी सख्त जरूरत ऐ। उनें आखेआ जे वैश्विक संघर्शें ते कलह दे बावजूद मानवता गी भगवान महावीर हुंदी शिक्षाएं कोला सबक लैना लोडचदा जेदा स्थाई शांति ते अटूट भाईचारे गी बढावा दिंदी ऐ।



## Pak-Minority Protests

पाकिस्तान च इसाई संगठन ते इंसानी हक्कें दी सुरक्षा सरबंधत नेताएं कराची च नाबालिग कुडिं दी सुरक्षा, खास करिए कथित तौर पर जबरन ब्याह ते धर्म बदलने दे खिलाफ बरोध-प्रदर्शन कीता। मीडिया रिपोर्ट दे मताबक नेशनल क्रिश्चियन पार्टी ते गवाही मिशन ट्रस्ट जेहू धडें बक्ख-बक्ख बरोध कीता ते समुदाय च इस बारै चिंता गी उजागर कीता। महिलाएं ते कुडिं बरोध-प्रदर्शन च हिस्सा लैता ते हत्थें च प्लेकार्ड फडिंए कनूनी

सुरक्षा ते न्याय दी मंग दे नारे लाए। वक्ताएं आरोप लाया जे निक्की कुड़िएं गी धर्म बदलने ते ब्याह करने आस्तै मजबूर कीता जंदा ऐ। उनें प्रशासन गी गुजारिश कीती जे इस मसले गी गंभीरता कन्नै लैता जा।

<><><><><><>

## Yuva Mahotsav

जम्मू दे कन्वेंशन सेंटर च आयोजित युवा महोत्सव च उधमपुर दे 2 युवा प्रतिभावान कलाड़ी फैक्टरी दे शुभम शर्मा ते संदीप अबरोल क्षेत्र दी बदी उद्यमशीलता दी भावना दे उत्कृष्ट उदाहरण बनियै उभरे ना। मुखमंत्री उमर अब्दुल्ला होरें प्रतिष्ठित नियो इनोवेशन इनीशिएटिव तैहत उन्दे चयन लेई उनेंगी सम्मानित कीता। उंदी सफलता इस गल्ल गी उजागर करदी ऐ जे उधमपुर दी मकामी प्रतिभा पारम्परिक करियर दी राह थमां अगगे बदिये नवाचार, उद्यमिता ते सांस्कृतिक विरासत गी अपना'रदी ऐ। प्रमाणिक कलाड़ी उत्पादे गी आधुनिक भोजन अनुभव च परिवर्तित करियै उन्दे आत्मनिर्भर ते प्रगतिशील सोच आहले युवाएं दी इक नमीं लैहर दा प्रतिनिधित्व करदे ना।

<><><><><><>

## IPL

अज्ज आई.पी.एल क्रिकेट च पंजाब किंग्स ते गुजरात टाइटन्स बश्कार न्यू चंडीगढ दे महाराज यादवेन्द्र सिंह अंतरराष्ट्री क्रिकेट स्टेडियम च मुकाबला होगा। मैच संझा साडे 7 बजे शुरू होगा।

<><><><><><>